

**Republic of the Philippines
City of Oroquieta**

DOLIPOS BAJO FARMERS ASSOCIATION (DOBFA)

BATAKANG BALAOB PART II

PASIUNA

PAGDUGANG SA MGA PALISIYA O BALAOB UG PAG REPAIR

Kaming mga meyembro ug mga opesyales sa barangay Dolipos Bajo Farmers Association, sakop sa siyudad sa Oroquieta, nagakaayon sa pagdugang ug mga artikulo, pagdugang usab ug pag-utro sa uban nga mga section sa mga gehimong mga balaod niadtong tuig 2007, nga kini wala pa na implemtar. Kami nagakaayon usab nga ang maong mga balaod 2007 ug ang gidugang nga mga balaod o palisiya 2010 nga nakatalal sa unahan, hugot kining ipatuman, kay na obserbahan na sa taas-taas nga panahon, nga nagkaanam na sa kadaghan ang dili maka kompleto sa pagbayad sa ilang nahulam nga salapi gikan sa asosasyon panahon sa pag due date, nga anaa pay mga dagko nga kantidad nga nahabilin. Tungod lagi kay wala pa may napahamtangan sa silot ug bug-at nga desiplina sa mga meyembro nga naka lapas sa mga balaod, nga naka babag sa kaayohan sa kadaghanan.

Nagkadaghan ang dili mo atender sa meeting nga walay rason, ug ingon usab, nagkadaghan ang dili mamayad sa utang, kay mas priority pa nila ang pagbayad sa lain nilang giutangan.

Busa, panahon na kini para sa pagpa implemtar sa mga balaod para taytayan nga mahimong desiplinado ang mga meyembro. Taytayan padulong sa kalampusan sa asosasyon. Ug taytayan nga mahimong mauswagon ang mga panginabuhian sa mga meyembro nga nangandoy sa kaangayang pangkatawhan nga naningkamot sa maka Dios nga minimithi.

ARTICLE I

PALESIYA O REQUIREMENTS SA PAGPAHULAM SA SALAPI

Section A. Nga ang getugotan nga makahulam sa salapi nga gikan sa association, mao lamang ang mga miyembro ug opesyales niini, nga adunay duha ka co-makers kauban nga mo perma sa loan application form.

Section B. Nga ang sakop nga mohulam niini moagi una ug interview sa credit committee.

Section C. Nga ang tugotan sa pagpahulam, kadto lamang mga dunay sarang nga budget nga ika bayad sa binulan nga hulugan.

Section D. Nga ang salapi nga paga hulamaon, gamiton lamang sa panginabuhian.

Section E. Nga ang mohulam, mo perma una sa ratepekasyon sa mga balaod.

Section F. Nga ang getutotan sa pagpahulam sa maong salapi, mo perma una siya sa kontrata ug e deduct una ang 100.00 nga capital build up saving.

Section G. Nga ang gekenahanglan sa dili pa e release ang net sa iyang gehulam nga amount, mao ang pag kompleto una sa tanan nga nabanget nga mga requirements.

ARTICLE II

CAPITAL BUILD UP UG MONTHLY DUES

Section A. P10 pesos ang monthly dues matag bulan.

Section B. P100.00 ang capital build up sa matag tawo nga magpa meyembro.

Section C. Mohatag ug monthly dues sugod 2007 ang bag-ong magpa meyembro niining asosasyon.

ARTICLE III

REGULAR MEETING UG LUGAR

Section A. Sa matag ika tulo ka Domingo sa matag bulan sa may 2:00 ang takna sa hapon diha sa barangay hall.

ARTICLE IV

PANAHON SA PAGBAYAD SA CBU, HULUGAN SA UTANG, PENALTIES UG UBAN PA

Section A. Sa matag regular meeting sa association kada bulan ang pagbayad sa unsa man nga klasi nga agabayaran.

ARTICLE V

PAMAAGE SA PAG RELOAN UG BAG-O NGA MO LOAN

Section A. Mahimo lamang maka reloan ang meyembro kong siya ay naka kompleto na sa pagbayad sa una niya nga gehulam nga salapi sa asosasyon.

Section B. Dili mahimo nga mo re-loan ug bag-ohay nga mo loan nga walay grantiya nga mga gamit sa panimalay sama sa cell phone, TV ug uban pa, ingon usab ang mga hayop. Kini unya ang birahon sa asosasyon kong dili siya makabayad sa pag due date o maka undang ba kaha sa maong asosasyon.

ARTICLE VI

INTEREST

Section A. 2.5% ang binulan nga interest sa matag gehulam nga amount, nga bayaran lamang ngadto sa sulod sa 10 ka bulan.

Section B. Sa matag bulan ang pagbayad, ipatong ang 2.5 nga interest kauban sa capital.

ARTICLE VII

PENALTIES

Section A. Si kinsa kadtong meyembro nga mapakyas sa pagbayad sa iyang nautang sulod sa isa ka bulan, aduna na siyay patong nga 2.5%

Section B. P50.00 ang multa sa matag miyembro o opesyal nga pakyas sa pagtambong panahon sa isa ka panahon sa regular meeting kong walay bug-at nga rason.

Section C. Si kinsa kadtong meyembro nga dili maka kompleto sa pagbayad panahon sa due date sulod sa napulo ka bulan, paga totalon ang balance gikan sa monthly dues, interest ug capital u gang total niini maoy iyang bayaran ug interest binulan uban sa capital, lain pa ang 10% nga penalty total amount balance sa pag due date.

Section D. 10.00 ang maulahe sa regular meeting.

ARTICLE VIII

ABSENT NGA MAKONSEDERAHAN

Section A. Nagdaot ang sakop sa pamilya.

Section B. Nagdaot ang opesyal o miyembro sa association.

Section C. Adunay kasal sa igsoon, pag umangkon u gig-agaw.

Section D. Adunay dautan nga nahitabo sakop sa kadugo.

ARTICLE IX

DISIPLINA

Section A. Kong adunay sakop niini nga napakyas sa pagtambong sa regular meeting sa tulo ka sunod-sunod nga higayon, siya paga taktakon na gikas sa association. Kong anaa pa siyay utang, paga kuhaon ang mga gamit sa iyang panimalay o hayop katumbas sa iyang nautang.

Section B. Maminaw ang tanan sa samtang anaa pay nagpasabot panahon sa meeting.

Section C. Eles-eles ang pag-estorya, mangutana sa wala masabti, ug nahibalong modawat sa ksaypanan.

Section D. Magsinabtanay.

Section E. Walay makuhang bahin nga kwarta gikan sa asosasyon. Ang meyembro nga maka undang gumikan lamang kay wala siya maka bayad o naka palta sa maka tulo ka higayon sunod-sunod panahon sa regular meeting.

Section F. Hugot nga ipatuman sa president ang pagpahamtang sa disiplina ingon man ang pag badlong sa dili maayong mga mabuhat sa mga meyembro panahon sa meeting.

ARTICLE X

BENIPESYO

Section A. Si kinsa kadtong miyembro nga walay kaipon sa iyang panimalay nga nag-edad na siya ug 60 anyos pataas, luya na ang iyang lawas, mahimo na siyang mo resign sa asosasyon, kuhaon ang iyang bahin kung siya ay nahimo nang miyembro sa asosasyon sulod sa 5 ka tuig pataas kong pananglit iyang gusto, apan puwede gihapon siyang mopadayon kong pananglit dli siya gustong moundang.

- Section B. Si kinsa kadtong miyembro nga moidad gihapon ug 60 anyos pataas nga naka miyembro na pod siya sa lima ka tuig pataas, mahimo usab siyang moresign, kuhaon ang iyang bahin, kong pananglit luya na ang iyang lawas tapos wala na siyay gusto pa nga ipasa sa iyang mga anak o asawa ang maong pagka miyembro sa asosasyon.
- Section C. Si kinsa kadtong miyembro nga nawala sa kalibutan mahimong ihatag sa iyang mga anak o asawa ang iyang bahin sa asosasyon kung dili gusto ang mga sumusunod nga ipadayon ang pagka miyembro sa asosasyon.
- Section D. Si kinsa kadtong miyembro nga ma-confined sa hospital mahimo kining makadawat ug P300.00 gikan sa asosasyon (medical assistance) kung adunay medical certificate tapos pagatabangan pa kini sa presidente sa asosasyon sa pagpangita ug additional assistance ngadto sa lain nga mga ahensiya sa gobyerno.

ARTICLE XI

DEBIDENDO

- Section A. Unang debedendo. Mahimong maka dividend ang mga miyembro sa kantidad nga tag P1,000.00 sa matag usa, kung pananglit moabot na ang interest sa matag kantidad ug P150,000.00 gikan sa pinaka unang capital nga P12,000.00 niadtong 2007.
- Section B. Ikaduhang debedendo hangtod sa lain na pong mga debedendo, kong pila ang amount nga nabilin sa interest sa pinaka unang pag debedendo, wala kiniy labot sa computation para sa P150,000.00, para sa sunod nga pod nga pag debedendo. Ang pag compute adto magsugod sa zero interest para sa lain na pod nga P150,000.00 sa sunod nga pag debedendo.
- Section C. Mas ubos lamang ang makuha nga debidendo sa meyembro nga dli mangutang ug gamay ra ang nautang gkan sa asosasyon gawas sa mga opesyales gikas sa presidente, treasurero ug secretarya.
- Section D. Mas ubos ra gihapon ang makuha nga debedendo sa meyembro kong gamay ra ang mapalit nga amount gikan sa mga paninda sa association.

ARTICLE XII

FINANCIAL REPORT

- Section A. Mohatag ug financial report ang treasurer/tresorero sa matag binulan nga meeting.
- Section B. Mohatag ug financial total report sa matag due date ang mao gihapong nasangpit nga tresorera o tresorero.

ARTICLE XIII

MEETING

- Section A. Pag-ampo/reading bible, roll call, declaration of quorum, reading of previous minutes ug agenda.
- Section B. Gikinahanglan sa secretary ang paghimo ug minutes of the meeting ug attendance records panahon sa binolan nga panagtapon.

ARTICLE XIV

KAUSABAN

- Section A. Kining maong mga balaod mahimong kuhaan ug mahimong paga pun-an pinaagi sa assembly meeting.

ARTICLE XV

EPEKTO

- Section A. Kining mga nataltal nga mga balaod hugot nga ipatuman human ma ^{ratipikahan} ~~republican~~ ngadto sa majority sa mga meyembro niadtong Mayo 30, 2010, kini ipahamtang sugod Hunyo 1 tuig 2010 bisan ang mga kalapasan sa nasangpit nga mga meyembro niadto pang nangagi pang mga katuigan.

NOTE: ANG RATIFICATION NIINING BALAORA IPADAUN NGADTO SA IKA UPAT NGA PAHINA.